

巴士安全小貼士（一）

媽媽：青紅蘿蔔粟米豬展湯、梅菜蒸豬肉。

兒子：媽，其實我女朋友第一次上嚟，唔洗搞咁多嘢㗎！

媽媽：哎呀你唔好嘈啦，你知唔知呀你女朋友第一次上嚟我哋屋企食飯㗎！怎麼可以失禮呀！你唔好嘈住，我睇下我有冇買漏嘢！魚香茄子煲...

媽媽：仔呀仔...坐上層睇風景好啲，我哋上上層坐囉！

問題： 如果拎住大件行李或者一袋二袋，又或者行動唔方便，仲上唔上巴士上層好呢？

A：一定上

B：唔上喇

答案： B：唔上喇

兒子：哎呀，媽！

兒子：媽，如果拎住大袋細袋或者太多嘢就唔好上上層啦！

媽，等我話你知啦，在涉及專營巴士有人受傷嘅意外當中，有唔少個案都係乘客喺車廂內因失去平衡而跌倒受傷。乘客如果上巴士上層時拎住大件行李或者一袋二袋，就好可能未能夠緊握扶手而失去平衡喺樓梯跌倒；而行動不便嘅乘客就更加唔應該上上層！

兒子：媽，你睇我，緊握住扶手，你都握住啦！

媽媽：唔使㗎！我細時學過體操㗎，你睇我，平衡力咁好，絕對唔會跌倒嘅！

問題： 我們喺巴士上站立、行走或上落樓梯時，應否緊握扶手？

A：應該

B：不應該

答案： A：應該

兒子：媽，我都叫你緊握住扶手啦！其實無論係巴士開車、停車，轉彎或者路上行駛時，我哋在巴士上站立或走動，我哋都必須要緊握住扶手。仲有呀，涉及專營巴士有人受傷的意外當中，有唔少乘客喺車廂內都因失去

平衡而跌倒受傷。為保障自身安全，喺車廂內行走、站立或上落樓梯時都必要緊握扶手，咁就可以避免因失去平衡而跌倒受傷。另外，乘客可以等待巴士完全停定，然後先喺車廂內行走或上落樓梯，就算真係要喺巴士未完全停定，而喺車廂內走動，我哋都要緊握扶手，如果唔係就會失去平衡同埋跌倒受傷。

兒子：媽，有安全帶就要扣實，安全啲嘛！

媽媽：唔使啦，冇人會喺巴士上扣安全帶嘅！

問題：如果座位上裝有安全帶，會唔會佩戴呢？

A：一定戴

B：唔戴喇

答案： A：一定戴

兒子：噏噏噏！我都叫你扣安全帶㗎啦，座位上有安全帶，你就應該要扣實！人哋點做人嘅事，條命你自己㗎嘛！等我再話你知啦，作為一位精明嘅乘客，當然會佩戴座位上嘅安全帶啦！佩戴安全帶能有效減少喺交通意外中重傷或死亡嘅機會；喺較低車速時發生交通意外，安全帶亦可以發揮好大嘅保護作用。

媽媽和兒子：大家要記住啦！

兒子：搭巴士如果有大件行李又或者行動不便就千祈唔好上上層！

媽媽：喺車箱入面走動或站立時一定要緊握扶手！

兒子：座位上裝有安全帶記得緊扣好，注意安全呀！